

**Bekas tahanan ISA Vasantha ditangkap di majlis PM  
Malaysiakini.com  
June 12, 2010**

Bekas tahanan ISA, T Vasanthakumar ditahan hari ini ketika cuba untuk menyerahkan memorandum mengenai nasib kaum India kepada Datuk Seri Najib Tun Razak di satu majlis yang dihadiri perdana menteri hari ini.

Aktivis tersebut, bersama-sama 10 orang lagi, berusaha untuk mendekati perdana menteri, yang sedang beredar selepas melancarkan geran akademik untuk pelajar India.

Kumpulan itu ditahan oleh sekumpulan anggota polis yang membentuk tembok manusia di sepanjang laluan Najib ke keretanya.

Gagal menemui Najib, Vasanthakumar kemudian diseret dari situ apabila dia melaungkan "lebih biasiswa JPA untuk kaum India".

Dia dibawa ke van polis yang kemudian beredar dari itu, dipercayai menuju ke balai polis.

Copyright © 1999-2007 Mkini Dotcom Sdn. Bhd.  
Source : <http://www.malaysiakini.com/news/134354>